

文獻通考

百九十三

王禮考

漢書門類		六〇〇號	二函	五架	一四〇冊
------	--	------	----	----	------

內閣文庫		六〇〇號	一四〇冊	五函	七架
------	--	------	------	----	----

內閣文庫		番號	漢	600
冊數		140 (49)		
函號		294	6	

百九十三



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





文獻

通考卷之一百九

鄱陽

馬

端臨

貴與

著

淺草文庫

王禮考

唐虞

天子五載一巡狩

晏子對齊景公曰天子適

諸侯曰巡狩白虎通曰巡

狩者巡也

者循也

平者循也

者循也

近者牧也

又恐幽隱

有不得所

敬視行之

之

太

禮謹敬重人必五年

巡省所以必五年

也

鄭玄云諸侯為天子守土

有

所生歲有

歲

成三歲一閏天

道備也

歲二月東巡狩至于岱

宗柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

柴

諸侯方之協時月正日同律度量衡時四月也日三月十
也鄭玄曰也律法制也度丈尺也量斗斛也衡斤兩
故因巡狩而合正之也修五禮賓嘉禮五玉諸侯
瑞陳列之執之曰玉三帛二生一死贄三帛練玄黃三
死者卿大夫所執也五月巡狩至南嶽衡山八月
巡狩至西嶽華山十一月巡狩至北嶽恒山皆如
岱宗之禮白虎通曰二月八月陰陽終也歸格于藝祖
用特孔安國曰巡狩則考亦著特謂一牢也
夏后氏因之玄王肅云天子五年一巡狩鄭
太康尸位以逸豫滅厥德黎民咸貳乃盤游無度
畋于有洛之表十旬弗反有窮后羿因民弗忍距
于河由此失國

周制十二年一巡狩大行人云十有二歲一歲謂當方諸侯周
以木德王歲星是木王之星十二歲一歲謂當方諸侯周
之故梁崔靈恩云取歲星一周天道之備數鄭玄
註尚書云每歸用特次是以終巡狩之後乃始云歸
禮同使其文相次是以終巡狩之後乃始云歸
耳天子將巡狩類乎上帝宜乎社造乎禰帝謂五
所配祭南郊者謂靈威仰也類宜造皆祭名也按
會子問諸侯適天子告祖禰此不言祖者祭名也按
至祖以廟皆告之獨言禰者禘時先從禰後職方氏
先戒四方諸侯曰各脩平乃守考乃職事無敢不
敬戒國有大刑乃猶汝也守謂國境及王之所行
先道帥其屬而巡戒令先道先由王所從道居太
馭掌犯較之禮謂祖也土訓氏夾王車而行以待王
問九州形勢所謂地圖山川所宜所謂地事誦訓氏亦
夾王車以上古久遠之事以告王誦訓氏亦

若魯有大庭氏之又掌道方慝言慝四方以詔辟

忘以知地俗辟音乘金輅建大旂中車云金輅鈞

祈以歲二月東巡狩至于岱宗柴而望祀山川樂

告感生觀諸侯也觀見其方之諸侯先於境首待之

祭諸侯待於境所過山川則使祝宗先以三等璋

璚皆以黃金為鼻流酌鬱鬯以禮神次乃校人殺

黃駒以祭之王人云大璋中璋九寸邊璋七寸射

衡四寸有纜天子以巡狩宗祝以前馬鄭玄云鼻

也於中山川用中璋殺文飾也於小山川則用邊璋

半文飾也又校人云凡將事于四海山川則飾黃

駒過大山川謂王巡每宿舍掌舍設楹桓再重謂行

重者以周衛互其外則土方氏又設蕃籬上方氏

外內列桓音互既至方岳先問百年就見之若未

狩則樹王之蕃籬

滿百年八十九十者路經其門則見之不然則否

祭義所謂東行天子乃令太師採人歌謠賦詩以

樂播而陳之以觀人風俗以審其善惡所謂命大

觀也命典市納賈陳百物之貴賤以觀人之所好

惡所謂命市納賈以觀人之志若淫邪則所好者必

不得其又命典禮之官考校四時節烝月之晦朔

甲乙等日及候氣之律呂所用禮樂宮室車旗等

制度君臣上下之衣服皆以王者所頒制度考校

不從者君流流放革制度衣服者為畔畔者君討
有功德於人者加地進律律法其諸侯待王之牢
禮以一犢掌客云王巡狩天子適諸侯諸侯膳以牲犢
貴誠之義也天既黜陟諸侯乃與之相見於方岳
子牲孕弗食也鄭玄註司儀職引觀禮制王
之下築壇與觀禮壇鄭玄註司儀職引觀禮制王
是也其壇外為土埽方三百步開四門壇方九
十六尺高四尺上為堂下為三等謂之三成成每
等高一尺其堂置司盟之神位謂之方明觀禮云
於天子為官方三百步開四門壇十有二尋深四
尺加方明於其上鄭玄云宮為壇土為埽以象牆
壁八尺曰尋十二尋則方九十六尺也深謂高也
從上向下曰深方明者上下四方神明之象也會
其方明監之天司盟有象者猶宗廟之有主乎
門鄭玄云成猶重也三重者下見諸侯之時據鄭
差之為三等每面丈二尺也

註司儀及觀禮諸侯之上介各以其君之旗置于
宮內以表立位之處乃詔王升壇訖諸侯皆就其
旗而立其位鄭按明堂位諸公中階之前北面東
上諸侯阼階之東西面北上諸伯西階之西東面
北上諸子門東北面西上諸男門西北面東上王
乃於壇上揖之以定其位其揖之節有三儀與王
無親者推手小下之司儀所謂與王婚姻之親者
平推手揖之揖所謂與王同姓者推手小舉之
同姓王既揖定其位諸侯乃進升壇奠玉又按司
儀職及鄭注云公於上等奠桓圭玉陳擯者五人
禮之侯伯於中等奠信珪躬珪玉陳擯者四人禮
之子男於下等奠穀璧蒲璧玉陳擯者三人禮之

諸侯各奠玉訖降拜又升成拜訖擯者乃延諸侯
升堂授王玉訖乃以璧琮行享禮謂之將幣王人

琮九諸侯既朝見王訖乃退而自相與盟王宮之
伯臨之其神主於月必因以祭之觀禮云祭天燔

祭川沉祭地瘞鄭注云升沉必就祭者也其餘五
就祭者則是謂王巡狩諸侯之盟祭也

月南巡狩至于南岳如東巡狩之禮八月西巡狩
至于西岳如南巡狩之禮十有一月北巡狩至于

北岳如西巡狩之禮巡狩之月皆用正歲之仲月
中春秋分晝夜均冬夏之至陰陽終始蓋欲取

訖却歸每廟用一牛以告至謂之歸格于祖禰用
特特一牛

昭王德衰南巡濟于漢船人惡之以膠船進王

御船至中流膠液船解王及祭公俱沒于水而崩

其右卒游靡長臂且多力游得王周人諱之

穆王得驥温驪温音盜或作駮驪耳之駟郭璞曰

唐之君來見一驪馬是生驪耳八駿皆因其毛色
以為名號索隱曰按穆天子傳曰赤驥盜驪白羲
渠黃驪耳山子西巡狩樂而忘歸徐偃王作亂造父

為穆王御長驅歸周以救亂

孟子昔者齊景公問於晏子曰吾欲觀於轉附

朝儻皆山遵海而南放于琅瑯齊東境吾何脩

而可以比於先王觀也言何脩治而可以晏子

對曰善哉問也天子適諸侯曰巡狩巡狩者巡

所守也諸侯朝於天子曰述職述職者述所職

也無非事者春省耕而補不足秋省斂而助不

給夏諺曰吾王不游吾何以休吾王不豫吾何

以助一游一豫為諸侯度今也不然師行而糧

食言人君與師行軍皆飢者弗食勞者弗息

賄胥讒民乃作慝言在位者又賄賂側目相視

也惡方命虐民飲食若流方猶放也放棄不用先

無窮意飲食若水流之流連荒亡為諸侯憂從流

下而忘反謂之流從流上而忘反謂之連從獸

無厭謂之荒樂酒無厭謂之亡先王無留連之

樂荒亡之行惟君所行也景公說大戒於國出

舍於郊於是始興發補不足戒備也大備戒備

之樂憂民困始興惠政召太師曰為我作君臣相悅

之樂發倉廩以賑貧民蓋徵招角招是也太師樂師徵招角其詩

曰畜君何尤畜君者好君也

秦始皇二十七年巡隴西今隴右北地今寧州出雞頭

山在成州上祿縣過回中焉回中在安賜爵一級

治馳道應劭曰馳道天子道也若今之中道然漢

步吳楚江湖之上濱海之觀畢至道廣五十

二十八年始皇東行郡縣上鄒嶧山鄒魯縣山立

石與魯諸儒生議刻石頌秦功德議封禪望祭山

川之事乃遂上泰山立石封祠祀下風雨暴至休

於樹下因封其樹為五大夫禪梁父刻所立石乃

並勃海以東過黃腫東萊有黃腫縣窮成山登之果之

瑯山在陸縣成山在文立石頌秦德焉而去南登琅

瑯今兗州東沂州大樂之留三月乃徙黔首三萬

密今兗州即古琅瑯

戶琅琊臺下復十二歲作琅琊臺立石頌德遣徐

市發童男女入海求仙人還過彭城齋戒禱祠欲

出周鼎泗水使千人沒水求之不得乃西南渡淮

水之衡南郡今荆浮江至湘山祠黃陵廟在岳州湘陰縣北自

南郡由武關歸

三十九年始皇東遊至陽武博浪沙中河南陽武縣有博浪

沙為盜所驚求弗得令天下大索十日登之罘刻

石之琅琊道上黨入

三十二年始皇之碣石刻碣石門巡北邊從上郡

入

三十七年始皇出遊行至雲夢望祀虞舜於九疑

山在永州唐興縣虞舜冢在九疑山浮江下觀籍渡海渚括地志云在舒

州周安過丹陽至錢塘浙江水波惡乃西百二

十里從狹中渡在餘杭上會稽祭大禹望于南海而

立石刻頌秦德還過吳從江乘渡丹陽有並海上

北至琅琊自琅琊北至滎成山在萊至之罘並海

西至平原津而病渡河西德州平原縣崩於沙丘平臺沙丘長

安二千餘里趙有沙丘宮二世元年東行郡縣到碣石並海南至會稽盡刻

始皇所立刻石遂至遼東而還

漢高祖六年人告楚王信謀反上偽游雲夢會諸

侯于陳信迎謁因執之

時有上書告信反者上問諸將爭欲擊之陳平

曰今兵不如楚精而將不能及舉兵攻之是趣

之戰也古者天子有巡狩會諸侯陛下第出偽
游雲夢會諸侯于陳陳楚之西界信聞天子以
好出游其勢必無事而郊迎謁謁而陛下因禽
之此特一力士之事耳上從之

武帝元封元年帝親征匈奴行自雲陽北歷上郡
西河五原出長城比登單于臺至朔方臨北河還
祠黃帝於橋山廼歸甘泉是年復冬巡海上還登
封泰山至于梁父禮肅然梁山名在梁父行所巡至博奉
高蛇歷城梁父民田租逋賦貸已除加年七十以
上孤寡帛八二匹四縣無出今年筭行自泰山復
東巡海上至碣石自遼西歷北邊九原歸于甘泉
周萬八千里云

王莽天鳳元年欲行巡狩之禮令大官齋糝乾
肉內者行張坐卧所過毋得有所給羣公奏一
歲四巡道路萬里帝春秋尊非糝乾肉之所能
堪乃止

後漢世祖建武十七年四月南巡狩皇太子及右
翊輔楚公英東海公陽濟南公廉東平公蒼從幸
潁川進幸葉章陵五月還宮

漢祀令天子行有所之出河沈用白馬珪璧各
一衣以繒緹五尺祠用脯二束酒六斗盞一升
涉渭灞涇洛他名水如此者沈珪璧各一律在
所給祠具及行沈祠他水先驅投石少府給珪
璧不滿百里者不沈

十八年二月甲寅西巡狩幸長安三月壬午祠高廟遂有事于十一陵歷馮翊界進幸蒲坂祠后土夏四月甲戌車駕還宮

十九年九月南巡狩壬申幸南陽進幸汝南南頓縣舍置酒會賜吏人復南頓田租一歲父老前叩頭言皇考居此日又陛下識知寺舍每來輒加厚恩願賜復十年帝曰天下重器常恐不任日復一日安敢遠期十歲乎吏人又言陛下實惜之何言謙也帝大笑復增一歲進幸淮陽二十年二月戊子車駕還宮

二十年十月東巡狩甲午幸魯進幸東海楚沛國十二月壬寅車駕還宮

三十年二月東巡狩甲子進幸魯濟南閏月癸丑車駕還宮

中元元年正月丁卯東巡狩二月己卯幸魯進幸太山北海王興齊王石朝於東岳辛卯柴望岱宗登封泰山甲午禪於梁父四月癸酉車駕還宮明帝永平二年十月甲子西巡狩幸長安祠高廟遂有事於十一陵歷覽館邑會郡縣吏勞賜作樂癸卯車駕還宮

十年閏月甲午南巡狩幸南陽祠章陵日北至又祠舊宅禮畢召校官弟子作雅樂奏鹿鳴帝自御塤箎和之以娛嘉賓還幸南頓勞享三老官屬十二月甲午車駕還宮

十五年二月庚子東巡狩辛丑幸偃師進幸彭城
還幸孔子宅祠仲尼及七十二弟子親御講堂命
皇太子諸王說經又幸東平辛卯進幸大梁至定
陶四月庚子車駕還宮

章帝建初七年十月西巡狩幸長安丙辰祠高廟
遂有事十一陵進幸槐里又幸長平御池陽宮東
至高陵造舟於涇而還每所到幸輒會郡縣吏人
勞賜作樂十一月詔勞賜河東守令掾以下十二
月丁亥車駕還宮

元和元年七月丁酉南巡狩詔所經道上郡縣無
得設儲峙命司空自將徒支柱橋梁有遣使奉迎
探知起居二千石當坐其賜鰥寡孤獨不能自存

者粟入五斛十一月己丑車駕還宮賜從者各有差
二年正月丙辰東巡狩幸泰山柴告岱宗進幸
奉高宗祀五帝于汶上明堂幸魯祠孔子於闕里
四月乙卯車駕還宮

三年春正月丙申北巡狩濟南王康中山王馬西
平王羨六安王恭樂成王黨淮陽王昞任城王尚
沛王定皆從辛丑帝耕于懷二月壬寅告常山魏
郡清河鉅鹿平原東平郡太守相曰朕惟巡狩之
制以宣聲教考同遐邇解釋怨結也今四國無故
不用其良四方之國無政者由天子不用善人者也駕言出游欲親知

其劇易前祠園陵遂望祀華霍華霍山名也今在廬江灊縣西南亦
名夫柱山爾雅曰華山東柴岱宗為入祈福今將
為西岳霍山為南岳

禮常山遂徂北土歷魏郡經平原升踐隄防詢訪
耆老咸曰往者汴門未作深者成淵淺則泥塗追
惟先帝勤人之德謂永平十二底績遠圖復禹弘
業聖跡滂流至于海表不克堂構朕甚慚焉月令
孟春善相丘陵土地所宜今肥田尚多未有墾闢
其悉以賦貧民給與糧種務盡地力勿令游手所
過縣邑聽半入今年田租以勸農民之勞乙丑勅
侍御史司空曰方春所過無得有所伐殺車可以
引避引避之駢馬可輟解輟解之夾轅者為服馬
服馬外為駢馬
詩云敦彼行葦牛羊勿踐履詩太雅云鄭玄註曰
敦敦然道旁之葦牧
折傷之况於人乎禮人君伐一草木不時謂之不
孝禮記孔子曰伐一樹殺一獸不以其時非孝也俗知順人莫知順天其

明稱朕意戊辰進幸中山遣使者祠北岳出長城

史記蒙恬為秦築長城西自臨洮東至海癸酉還幸元氏祠光武顯宗

於縣舍正堂明日又祠顯宗于始生堂皆奏樂明

生于常山元氏傳舍也三月丙子詔高邑令祠光武於即位

壇復元氏七年徭役已卯進幸趙庚辰祠房山於

靈壽靈壽縣名屬常山郡今恒州縣房山今在恒州房山縣西北俗名王母山上有王母祠

辛卯車駕還宮賜從行者各有差

章和元年八月癸酉南巡狩戊子幸梁乙未幸沛

庚子幸彭城辛亥幸壽春十月丙子車駕還宮

和帝永和十五年九月壬午南巡狩賜所過二千

石長吏以下三老官屬及民百年者錢布各有差

幸章陵祠舊宅十一月車駕還宮

安帝延光三年二月丙子東巡狩辛卯幸太山柴
告岱宗祀五帝于汶上明堂幸東平東郡歷魏郡
河內壬戌車駕還京師

魏明帝凡三東巡狩所過存問高年恤疾苦或賜
穀帛

晉初新禮巡狩方岳柴望告設壇宮如禮諸侯之
覲者賓及執贄皆如朝儀而不建旗贄虞以覲禮
諸侯各建其旗章所以殊爵命示等威詩稱君子
至止言觀其旂宜定新禮建旗如舊詔可然終晉
代不行其禮

宋文帝元嘉四年二月東巡狩至于丹徒告觀園
陵三月享會父老舊勲于行宮加賜衣裳幣帛蠲

租原刑戰亡之家單孤並隨宜隱卹

二十六年二月東巡幸至京城并謁二陵會舊京
故老萬人享勞賚發赦蠲徭役
後魏文成帝和平元年正月東巡狩歷嶠山祀黃
帝遼西遙祀醫無閭山遂緣海幸冀州北至中山
過恒岳禮其神而反明年南巡過石門遣使者用
玉璧牲牢禮常岳

隋煬帝大業元年三月詔曰聽採輿頌謀及庶民
故能審刑政之得失今將巡歷淮海觀省風俗
是歲命尚書右丞皇甫謐發河南淮北諸郡民
前後百餘萬開通濟渠自西苑引穀洛水達于
河復自板渚引河瀝滎澤入汴又自大梁之東

引汴入泗達于淮又發淮南民十餘萬開邗溝
自山陽至揚子入江渠廣四十步渠旁皆築御
道樹以柳自長安至江都置離宮四十餘所又
遣黃門侍郎王弘等往江南造龍舟及雜船數
萬艘督役嚴急役丁死者什四五

八月壬寅帝行幸江都發顯仁宮王弘遣龍舟奉
迎

上御小朱航漕渠出洛口御龍舟龍舟四重
高四十五尺長二百尺上重有正殿內殿東西
朝堂中二重有百二十房皆飾以金玉下重內
侍處之皇后乘翔螭舟制度差小而裝飾無異
別有浮景九艘三重皆水殿也又有漾彩朱鳥

蒼螭白虎玄武飛羽青鳧凌波五樓道場玄壇
樓船板艫黃篋等數千艘後宮諸王公主百官
僧尼道士蕃客乘之及載內外百司供奉之物
共用挽船士八萬餘人其挽漾彩以上者九千
餘人謂之殿脚皆以錦綵為袍又有平乘青龍
艫艫舳舻八擢艇舸等數千艘並十二衛兵乘
之并載兵器帳幙兵士自引不給夫舳舻相接
二百餘里照耀川陸騎兵翊兩岸而行旌旗蔽
野所過州縣五百里內皆令獻食多者一州至
百輦極水陸珍奇後宮厭飫將發之際多棄埋
之

二年三月庚午上發江都四月庚戌自伊闕陳法

駕備千乘萬騎入東京御端門大赦

三年三月帝還長安四月庚辰下詔欲安輯河北
巡省趙魏丙寅車駕北巡六月至鴈門頓榆林郡
諭突厥啓民可汗召所部諸國朝于行宮八月發
榆林歷雲中沂金河九月己巳至東都

時天下承平百物豐實甲士五十餘萬馬十萬
疋旌旂輜重千里不絕令宇文愷造觀風行殿
上容侍衛者數百人離合為之下施輪軸倏忽
推移又作行城周二千步以板為幹衣之以布
飾以丹青樓櫓悉備胡人驚以為神

四年三月車駕幸五原因出塞巡長城八月親祭
恒岳河北道郡守畢集

行宮設六合板城載以槍車每頓舍則外其轅
以為外圍內布鐵菱次施弩床床皆插鋼錐外
向上施旋機弩以繩連機人來觸繩則弩機旋
轉所處而發其外又以矰周圍施鈴柱

五年三月西巡河右出臨津關度黃河五月至張
掖命裴矩說高昌王及伊吾吐屯等啗以厚利召
使入朝帝至燕支山高昌王及西城二十七國謁
於道左皆令佩金玉被錦罽焚香奏樂歌舞喧譁
帝復令武威張掖士女盛服縱觀衣服車馬不鮮
者郡縣督課之騎乘填咽周亘數十里以示中國
之盛七月車駕東還至西京十一月復幸東京
自河西東還行經大斗拔谷山路隘險魚貫而

出風雪晦冥文武飢餒沾濕夜久不逮前營士卒凍死者大半馬驢什八九後宮妃主或狼狽相失與軍士雜宿山間

六年三月帝幸江都宮詔以百官從駕皆服袴褶於軍旅間不便令從駕涉遠者文武官皆戎衣五品以上通著紫袍六品以下要用緋綠胥吏以青庶人以白屠商以皂士卒以黃

敕穿江南河自京口至餘杭八百餘里廣十餘丈使可通龍舟并置驛宮草頓欲東巡會稽

七年二月帝自江都幸涿郡御龍舟渡河入永濟渠仍敕選部門下內史御史四司之官於前船選補其受選者三千餘人或徒步隨船不得處分凍

餒疲頓因而致死者十二三是歲征高麗車駕駐涿郡

八年車駕在涿郡征高麗不克九月還東都

九年四月車駕度遼征高麗楊玄感反乃班師

十年三月復幸涿郡征高麗八月班師十月還京

十二月幸東都

十一年三月帝幸太原汾陽宮避暑宮城迫隘百官士卒布散山谷間結草為營而居之八月巡北塞入鴈門突畢可汗帥騎數十萬圍鴈門九月解圍去車駕還太原十月至東都

十二年七月帝自東都幸江都

通典評曰梁崔靈恩三禮義宗云唐虞五載巡

守一岳二十年方遍四岳周則四十八年矣若
一出四岳皆遍且闕四時祭享唐虞衡山為南
岳周氏霍山為南岳其制吉行五十里若以二
月到東岳五月到南岳八月到西岳十一月到
北岳路程遼遠固必不能以此知每至一岳即
歸義為長也按尚書周官篇云六年五服一朝
又六年王乃時巡考制度諸侯各朝於方岳大
明黜陟孔安國註云周制十二年一巡狩春東
夏南秋西冬北故曰時巡考制度正禮
法如虞帝然其四方諸侯各觀於
方岳之下大明考績黜陟幽明又按堯舜簡
儉當稱節茨土階巡狩四方羽儀導從必少一
年四岳五載復往宗廟享祭暨委有司展義省
方觀風察俗之大政如或二十年方遍乃於民

物不亦乖踈詳周官本文與孔氏註解既改制
十有二載比唐虞已甚遐闊如四十八年乃遍
豈非益為曠邈乎且周雖尚文天子諸侯降殺
以兩穆王巡歷天下萬姓不甚苦勞始皇遊幸
四方屬車八十一乘二漢以降至于有隋或東
封告成或觀省風俗百辟悉至羣司畢從不下
十餘萬人何止千乘萬騎所以曠代多闕斯禮
崔生謂堯舜及周帝王行幸車徒禮數與秦漢
以後無異斯不達古今豐約之別復不詳周官
之文輒肆臆度之說耳

按舜典王制明言二月東巡五月南巡八
月西巡十一月北巡而崔靈恩乃以為一

年巡一岳虞五載則二十年而遍周十二
載則四十八年而遍何所擬耶文中子言
舜一歲而巡五岳國不費而民不勞何也
兵衛少而徵求寡也古帝王之巡狩所以
省方觀民初非游適然舜之時五載僅能
一行至周成王則又不能如舜至於十二
年乃一行之又必止以四岳為底止之地
蓋雖一本於憂民之心而尚恐有煩民之
事故出必有期而行必有方如此至穆王
始欲肆其心周行天下必使有車轍馬跡
而幾以喪邦秦始皇隋煬帝假望秩省方
之說以濟其流連荒亡之舉千乘萬騎無

歲不出遐方下國無地不到至於民怨盜
起覆柞殞身曾不旋踵雖秦隋所以召亡
者固非一端然倘非游蕩無度則河決魚
爛之勢亦未應如是其促也

唐太宗貞觀元年三月幸九成宮去京三百里冬幸洛陽

七年幸九成宮

十一年二月幸洛陽

十二年二月還京十二月幸河北觀底柱因令勒
銘於上以陳盛德

高宗顯慶二年閏正月幸洛陽

麟德二年幸東都遂幸東岳

總章二年將幸涼州羣臣諫不果行

調露元年九月幸并州

玄宗開元五年正月幸東都

十一年正月發東都北巡至并州

十二年十一月幸東都至華州命勒石華岳祠南

之道衢

十三年十月發東都赴東岱

二十年十月自東都幸太原

二十四年十月勅兩京行幸緣頓所須應出百姓

者宜令每頓取官錢一百千文作本取利充仍令

所由長官專勾當不得抑配百姓

開元禮皇帝巡狩儀

鑾駕出宮

將巡狩所司承制先頒告于東方諸州曰皇帝二月東巡狩各備平乃守考乃職事無敢不敬戒國有大刑駕將發告圓丘宗廟社稷皆如別儀皇帝出宮大備鹵簿皆如常儀較于國門祭所過山川如親征之禮所經州縣刺史縣令先待于境通事舍人承制問百年古先帝王名臣烈士皆州縣致祭

燔柴告至

將告將作先於大山下修園壇四出陞若先有封禪祀天壇

別築不須前告三日尚舍直長施大次於外壇東門

之內其設文武侍設宮懸樂燎壇之制一如圓前

一日皇帝清齋於行宮應告之官皆於告所清齋
一日近侍之官應後升者及從告羣官諸方客使
皆於其所俱清齋一宿諸衛令其屬晡後一刻各
以其方器服守衛壇門與太樂工人俱清齋一宿
奉禮設御位於壇之東南南向設告官司徒執事
者御史奉禮贊者協律郎太樂令望燎位東方諸
州刺史縣令介公鄴公文武九品以上官西方北
方蕃客等位並如上幸圓丘儀其襄聖侯等亦如之設告官
以下門外位於東西壇門之外道南皆如設次之
式郊社令帥府史一人及齋郎以罇坵壘洗篚罍
入設於位並如常儀執罇壘篚罍者各位於罇壘
篚罍之後告日未明十五刻太官令帥宰人烹牲

於厨

蒼牲 駢牲

一未明四刻太史令社郊令各服其服

升設昊天上帝神座於壇上北方南向席以藁秸

設高祖神堯皇帝神座於東方南向席以莞設神

位各於座首未明三刻諸告官以下各服其服郊

社令良醞令各帥其屬入實罇壘及玉

罇二俱實以汎齊其明水各實於上罇玉以蒼碧幣一文八尺

太祝以玉帛置於

篚太官令帥進饌者實諸籩豆簋簋等皆設於饌

幔內未明二刻奉禮帥贊者先入就位贊引引御

史太祝以下入行掃除如常儀訖各就位皇帝服

衮冕乘輅行宮奏請進發內外器服如常儀駕將

至謁者贊引各引告官通事舍人引從告羣官東

方刺史縣令諸方客使俱就門外位駕至大次門

外迴輅南向其降輅之大次謁者引告官及從告

圓初皇帝既升奠玉幣太官令帥進饌者其進饌

儀並如圓丘天帝之饌升自東陛諸太祝迎引於壇上

各設於神座前設訖謁者引司徒以下降自東陛

復位諸太祝各還罇所太常卿引皇帝詣壘洗樂

止其盥洗酌獻奏樂讀祝之儀訖興皇帝再拜初

讀祝文訖樂作太祝進奠板於神座還罇所其酌

儀並如圓丘皇帝拜訖樂止太常卿引皇帝進

天帝神座前北向立樂作太祝各以爵酌福酒其

福受酢奏樂皇帝還謁者引司徒降復位太祝各

進徹豆還罇所奉禮曰賜胙其衆官受胙皇帝望

幣皇帝還大次禮官二人次出等儀並如圓丘

鑾駕還行宮

皇帝既還大次侍中版奏請解嚴將士不得皇帝

改服通天冠絳紗袍乘輅奏請還宮如常儀

望秩于山川

柴之明日望秩祀于岳鎮海瀆山川林澤丘陵墳

衍原隰將祭所司先為壇於祭所其神皆以尊卑

為叙重行南向前三日守宮設祭官以下次於東

壇之外道南北向以西為上設陳饌幔於內壇東

門之外道北南向前二日太樂令設宮懸之樂於

壇南設登歌於壇上皆如常儀右校掃除壇內外

又為瘞瘞於壇北之壬地外壇之內方深取之容

物前一日諸祭官清齋於祭所諸衛令其屬晡後

一刻各以其方器服守衛壇門與太樂工人俱清
齋一宿奉禮設祭官位於內壇東門之內道北執
事位於道南俱西向北上設御史位於壇下一位
於東南西向一位於西南東向令史各陪其後設
奉禮位於樂懸東北贊者二人在南差退俱西向
協律郎位於壇上在西陛之西東向設太樂令位
於北懸之間設望瘞位於瘞埽之東西向設祭官
以下門外位於外壇東門之外道南每等異位北
向西上設酒罇之位岳鎮海瀆各山壘二山川林
澤俱蜃罇二丘陵墳衍原隰俱散罇二各於壇上
南陛之東北向西上其岳壇上加山壘二壘置
於山罇東北向皆加白罇設
玉篚於罇坫之所設洗於壇南陛東南如常執罇

壘篚罇各位於罇壘篚罇之後郊社令帥齋郎以
罇坫壘洗篚罇入設於位祭日未明十五刻太官
令帥宰人以鑿刀割牲齋郎以豆取牲血置於饌
所遂烹牲未明二刻太史令郊社令各服其服入
設神座各於壇上北方南向席皆以莞設神位各
於座首未明一刻祭官以下各服其服郊社令良
醞令入實罇壘及玉山壘實以醴齊蜃罇實以汎
齊散罇及山壘皆實以清酒
齊加明水酒加玄酒各實於
上罇祭神之玉以兩珪有邸太祝以幣置於篚太
官令帥進饌者實諸籩豆簋簠等奉禮帥贊者先
入就位贊引引御史太祝與執罇壘篚罇者入自
東門當壇南重行北向西上立定奉禮曰再拜贊
者承傳御史以下皆再拜訖執罇壘篚罇者各就

位贊引引御史詣壇東陞升行掃除於上令史祝
史行掃除於下訖引就位質明謁者引獻官贊引
引執事者俱就東門外位太樂令帥工人次入就
位謁者贊引各引獻官以下入就位立定奉禮曰
再拜在位者皆再拜謁者進獻官之左白有司謹
具請行事退復位協律郎跪俛伏舉麾鼓祝奏順
和之樂以蕤賓之均自後壇下之樂皆奏姑洗樂三成偃麾戛
敬樂止奉禮曰再拜獻官以下皆再拜太祝取玉
於篚立於罇所謁者引獻官詣岳壇升自南陞北
向太祝以玉幣東向授獻官受登歌作肅和之樂
以函鐘之均謁者引獻官進北面跪奠於岳神之
座俛伏興謁者引退北面再拜訖登歌止謁者引

獻官降自南陞還本位初獻官升奠玉幣太官令
帥進饌者奉饌陳於東門外登歌止太官令引饌
入俎初入門雍和之樂作饌至陞樂止饌升南陞
太祝迎引於壇上設於神座前籩豆盞罍設訖太
官令以下降自東陞以出太祝還罇所其鎮海以
下之饌皆祝史迎於壇上設於神座前相次而畢
訖謁者引獻官詣壘洗手洗爵訖謁者引升自
南陞詣酒罇所執罇者舉罍獻官酌醴齊訖樂作
謁者引詣岳神座北向跪奠爵興謁者引獻官少
退北向立樂止初獻官進奠爵祝史各以爵奠鎮
海以下還罇所太祝持版於神座之右東面跪讀
祝文祝文臨訖興獻官再拜初讀祝文訖樂作太

祝進奠板於神座還罇所獻官拜訖樂止太祝酌
壘福酒進獻官之右西面立獻官再拜受爵跪祭
酒啐酒奠爵與太祝帥齋郎進俎太祝減神前三
牲胙肉皆取前脚加於俎西向授獻官受以授齋
郎獻官跪取爵遂飲卒爵太祝受爵復於坫獻官
興再拜謁者引獻官降復位諸祝各徹豆如常訖
還罇所奉禮曰賜胙贊者唱再拜在位者皆再拜
獻官不拜順和之樂作奉禮又曰再拜獻官以下皆再
拜樂一成止謁者進獻官之左白請就望瘞位西
向立於衆官將拜諸太祝外執篚進神座前跪取
玉幣齋郎以俎載毛血等各由其陞降壇詣瘞培
以物置於培訖奉禮曰可瘞培東西各四人寘土

半培謁者進獻官之左白禮畢遂引出贊引引執
事者以次出又贊引引御史太祝以下俱復執事
位奉禮曰再拜御史以下皆再拜訖出贊引引工
人以次出其祝版燔於齋所

肆覲東后

望秩之明日肆覲東后於告至之前刺史縣令皆
先奉見如常將作先於行宮之南為壇官方三百
步面一門為壇於壇內三分壇二在南壇方九丈
六尺高四尺四出陞南面兩陞餘三面各二陞前二日太樂令
設宮懸之樂於壇南如殿庭之儀前一日尚舍鋪
御座於壇上近北南向又設解劔席於南陞之西
南守宮於門外量設百官次文東武西以北為上

東方刺史縣令次於文官之南蕃客次於武官之南所司陳路於壇南如常典儀設羣官板位文官一品以下九品以上位於壇東南每等異位重行西面以北為上武官一品以下九品以上位於壇西南當文官每等異位重行東面以北為上東方刺史縣令於壇南三分庭一在南每等異位重行北面以西為上若有蕃客則位於刺史之西每國異位重行北面以東為上設典儀位於南陛之東贊者二人在南差退俱西南北上奉禮設門外位文官一品以下九品以上位於門東每等異位重行西面武官一品以下九品以上位於門西每等異位重行東面俱以北為上設東方刺史縣令

位於文官之南每等異位重行西面以北為上蕃客位於武官之南每國異位重行東面以北為上其日未明三刻諸衛各以其方器服量設牙旗於壇外四面未明一刻諸衛各勒所部列黃麾大仗屯門及鉞戟陳於壇內如殿庭之儀羣官及刺史以下集各就次服其朝服蕃客集次各服其服侍中版奏請中嚴近仗陳於行宮門外諸侍衛之官各服其器服符寶郎奉寶俱詣行宮門外奉迎典儀帥贊者先入就位吏部兵部主容戶部贊羣官客使俱出次通事舍人各引就門外位刺史縣令俱執贄通事舍人引就門外位贄各以其土所有屬具五兩為一束而執之仍飾以黃帊其餘當土常貢之物並盛以

篚其屬執之列於縣令位後通事舍人引文武一
品以下九品以上先入就位侍中版奏外辦皇帝
將出仗動太樂令令撞黃鐘之鐘右五鐘皆應協
律郎舉麾工鼓祝奏太和之樂皇帝服袞冕乘輿
以出曲直華蓋警蹕侍衛如常儀皇帝入自北壇
門由北陛升壇即御座樂止腰輿退其羽儀華蓋
仍侍於御側通事舍人引東方刺史以下入就位
鴻臚引蕃客次入就位初刺史入壇門懸下舉麾
舒和之樂作至位立定樂止典儀曰再拜贊者承
傳執贊者俱跪奠贊興在位者皆再拜訖跪取贊
興凡拜奠贊皆如之侍中前承制降詣刺史東北西面立
稱有制蕃客則舍人承旨宣勅刺史以下皆再拜宣制訖又

再拜戶部引諸州貢物兩行各入於刺史位前東
西陳之龜為前列金次之丹漆絲纒四海九州美
物重行量陳於後訖執物者各退立於東西廂文
武前側立通事舍人引刺史為首者一人執贊詣
解劍席跪解劍脫舄執贊興舍人接引升壇詣御
座前北面跪奏稱具官臣某姓名等敢獻壤奠遂
奠贊俛伏興又舍人跪奉以東授所司舍人引刺
史降詣解劍席跪佩劍納舄興通事舍人引復北
面位初為首者奠贊通事舍人引在庭者以次奠
贊於位前訖各俛伏興引退復位訖刺史以下俱
再拜戶部尚書進詣階間北面跪奏稱戶部尚書
臣某言諸州貢物請付所司俛伏興侍中前承詔

退稱制曰可尚書退復位所司受贄其執貢物各進執物所司引退俱出東門初刺史將朝中書侍郎以諸州鎮表方別為一案俟於西門外給事中郎給事中俱就侍臣班初刺史將入門中書侍郎降引表案入詣西階下東面立給事中降引祥瑞案詣東階下西面立刺史將升奠中書令黃門侍郎俱降立於階下刺史執贄升陛中書令黃門侍郎各執所奏之文以次升初戶部尚書奏退復位訖中書令前跪奏諸方表記黃門侍郎又進跪奏祥瑞各還侍位侍郎與給事中引案退司儀曰再拜贊者承傳文武羣官刺史以下及諸國客俱再

拜訖通事舍人以次引北面位者出就門外位侍中前奏稱侍中臣某言禮畢俛伏興還侍位皇帝興太樂令令撞蕤賓之鐘左右鐘皆應太和之樂作皇帝乘輿降自北陛警蹕侍衛如來儀入行宮樂止通事舍人引東西面位者以次出設會如元會之儀

考制度

朝覲之明日左右丞相以考制度事奏聞命太常卿採詩陳之以觀百姓之風俗命市納貢以觀百姓之所好惡命典禮者考時月定日同律觀禮樂制度衣服正之山川神祇有不舉者為不敬宗廟有不順者為不孝不孝不敬者則長官黜以爵革

制度衣服者為叛叛者長官有討有功德於百姓者加爵賞五月南巡狩至于南岳如東巡狩之禮八月西巡狩至于西岳如南巡狩之禮十月有一月北巡狩至于北岳如西巡狩之禮歸格于宗禰用特如別禮若告封禪如別儀

宋太祖皇帝建隆初平潞楊二叛開寶二年至太原皆以師行供頓從儉約故不備巡幸之儀

九年幸西京先命重修宮室極其壯麗所過賜夏秋田租之半

太宗太平興國二年平太原五年次大名皆如太祖勞軍之制

真宗咸平二年幸大名景德元年駐澶淵勞軍之

禮如祖宗

四年正月幸西京朝諸侯命知雜御史王濟等籍所過父老及繫囚逋負官物令仍察民間疾苦每日引逋欠人及禁囚等對于行在多蠲免原釋父老賜茶帛綾袍其貢香藥名馬者召對撫慰賜之

金帛

太中祥符元年三月詔許羣臣請封禪令泰山路葺行宮不得侵民戶田苗及人馬損踐苗稼有司言準禮巡狩有燔柴告至皇帝親行事即不載有司攝事之文車駕至泰山合行告至望令太尉以酒脯幣帛於山下壇告至奏可又詔給事中張秉等管勾所經州縣父老詣行在者送門引對賜以

酒食州縣見禁囚具所犯以聞又詔以御史中丞
王嗣宗攝御史大夫為考制度使左正言知制誥
周起攝中丞為副使所經州縣採訪民間不便事
并市物之價車服權衡度量不如法則者舉儀制
禁之有奇才異行隱淪不仕者與所屬長吏詢求
論薦鰥寡惻獨不能自存者重加賑恤官吏政迹
尤異民受其惠及不守廉隅昧於政理者孝子順
孫義夫節婦為鄉里所稱者並條析以聞官吏知
民間利病者亦為錄奏有司言澶州城門卑下不
容大輦請徹門而出上慮煩勞不許詔由城外而
過他所皆然又詔扈從人宿頓所無得壞民舍什
物樹木違者重寘其罪為朝覲壇於奉高宮之南

方九丈六尺高九尺四出陛其南兩陛設衛仗宮
懸於壇中書門下文武百官皇親諸軍將校四方
朝貢使舉人蕃客父老僧道皆在列設襲文宣公
位于文官三品之下鄰州長史悉集上服袞御壽
昌幄殿受朝賀大赦天下遂幸兗州賜從官待制
以上宗室將軍辟寒九紫花茸綿細窄袍三畢記
祀汾陰悉如東封之制八月有司言祠宇之旁難
行覲禮望俟至河中府朝覲經度制置使陳堯叟
等言寶鼎行宮之前可以設壇詔如堯叟等言
七年幸亳州一如西京禮

舊制省方上與羣官皆窄絳袍帽還京具鑾駕
儀仗預遣官與留司同排設禮官具儀以奏真

宗朝陵及舉大禮塗中皆服折上巾窄袍出京
過京城至禮所上服靴袍具鑾駕羣臣公服穿
靴供奉官班及內朝官前導過州府上寬袍羣
臣公服凡從官自親王中書樞密宣徽三司使
副翰林學士待制節度兩使留後觀察防禦團
練刺史並赴行宮全班起居中頓侍食百官就
宿頓迎駕先發或道塗隘遠則放迎駕特進發
近臣諸軍賜裝錢出京留司馬步諸軍夾道左
右至新城門外奉辭留守辭於門內百官父老
辭於苑中州縣長吏留司官待于境所過賜巡
警兵守津梁行郵治道卒時服錢屬父老綾袍
茶帛中塗賜衛士緡錢所幸寺觀賜釋道茶帛

或加紫服師號凡經州關鎮及比州吏民有以
饗餼酒果方物為獻者計直答之州府綵樓陳
音樂百戲洎道釋威儀奉迎者悉有賜與東京
留守遣官奉表請還京凡數上優詔以答皇親
諸道釋市民至近境貢物迎請留司官以次奉
入京師大陳留司兵衛過還京綵樓駐驛觀樂
御乾元樓召從官坐閱扈駕兵仗還營許羣臣
休暇三日近臣一日

凡京城車駕出太祖太宗豫幸不常其數真宗
嘗以正月謁啓聖院太宗神御殿望日謁玉清
昭應宮會靈祥源觀又或六月至玉津園觀麥
八月瑞聖園觀穀十月望日謁景靈宮因禮慶

祈禱又詣太一宮并謁奉先院宣祖昭憲太后
影殿普安殿元德太后真容自餘臨幸則親王
公主第外苑馬監頗有定制親王宗室中書樞
密宣徽使三司使副知開封府學士節度使至
刺史常侍學士初皆候得旨咸平五年詣宮觀及
游宴閣門仍奏知制誥待制統軍士上將軍特
召三品秘書監以上兩省御史知雜御史以上
金吾將軍自咸平中每出令親從官卒二百執
柵周繞輿駕謂之禁圍春夏緋衣秋冬以紫郊
祀省方並增二百服錦襖出京師加以執劍親
王中書樞密行圍內餘官圍外大禮備儀衛則
有司先布土為黃道自至祀所左右設香臺畫

甕青繩欄干巡省在塗則不設東封歲殿中侍
御史趙湘請詔羣臣不得行黃道上及閱習路
馬不得穿過郊祀巡省東京舊城門並契勘其
內城外宮廟門並勘箭出入皆然入蕃鎮外城
子城門亦勘箭

高宗建炎元年九月詔擡羣臣章疏請幸東西金
賊狡詐難以便憑探報遠去中原專備一方可暫
駐驛淮甸庶四方有警皆易應接應合行事務令
三省樞密院共同措置施行今來巡幸即非遷都
捍禦稍定即還京闕以待二聖之復駐蹕之地不
為久計仰先次行下不得輒有陳修改易以致勞
費

十月車駕巡淮旬十四日次泗州二十七日至揚州駐蹕

三年二月三日詔宰執百官諸軍並扈衛車駕渡揚子江是日至鎮江府十三日至杭州三月一日詔移蹕江寧府三日命尚書右丞葉夢得專一提領戶部財用充車駕巡幸頓遞使

四月車駕進發自杭州幸江寧府五月至江寧府改為建康府

閏八月詔巡幸浙西九月至平江府十月自平江幸浙東次越州

十一月車駕至明州

詔只帶親兵輦官長入祗候共三千餘人隨駕

百官並減一半其餘候見駐蹕去處起發前來

四年正月一日次台州章安鎮二月次温州

三月車駕登舟回鑾幸浙西四月次越州

紹興元年十一月詔以紹興駐蹕日久漕運艱梗兵軍薪水不便可移蹕臨安府

二年正月車駕至臨安府駐蹕

閣門言以車駕省方儀令參酌修立儀註詔從之車駕巡幸請還及期出城百里外奉迎

并監臨臨京再於五里外起居次日入問聖體

儀制車駕臨京請城外奉迎

兩省御史臺司并尚書侍郎以上侍從官節度

使俟迎駕訖分左右前導入內一太常寺檢會

因革禮太平興國五年太宗北征回禮院狀鑾
駕還京是日早留守文武百官並出城奉迎再
拜起居如常儀退中書門下兩省常侍以下舍
人以上御史中丞並引駕至昇龍門下馬分班
序立駕至中書門下橫行餘官不俱再拜三呼
萬歲俟駕過其不引駕官先至丹鳳門外立班
俟駕至橫行起居再拜隨拜三呼萬歲分班俟
駕過退次日中書門下文武百官內殿起居如
常儀一今來前項儀令故事比附參酌若依儀
起居前導官前導緣今來車駕係乘御舟進發
切恐難以前導兼負數止有三兩負若依令除
主當物務并監臨官不赴外餘官出城百里外

奉迎其合赴官數目亦是不多兼俟迎駕班退
合赴近城五里外起居其經由道路窄隘或至
日值雨慮難以赴及百里外即非程頓去處
若行創造待班幕次顯是勞費欲乞止依儀集
應見任文武臣僚并寄居待闕京官小使臣以
上出城五里外立班奉迎起居更合取自朝廷
指揮一令擬定將來奉迎車駕節次其日留守
率應見任文武臣僚并寄居待闕京官小使臣
以上並履笏內將杖詣餘杭門五里外分立定
俟御舟將至舍人揖躬喝拜兩拜起且留守奏
聖躬萬福再喝拜兩拜訖各祗候御舟過並退
內留守先入門赴章亭驛御幄下側立定俟車

駕降御舟入御幄坐

管軍臣僚并合從駕祇留
應官欲乞免奏萬福

守自赴幄殿下立定舍人揖躬宣名奏萬福喝

祇候留守升幄殿當頭問聖體訖兩拜如有宣
諭又再

拜訖詣御座左側奏事如儀俟奏事畢降階退

皇帝升輦還內如宣馬臨
時聽旨沿路官局並履笏迎

駕起居應合從駕官并管軍臣僚祇應官等並

從駕還內如儀

四年十月車駕幸平江府

五年二月車駕回臨安

六年九月車駕幸平江府

先時詔將來進發三省樞密院百司以紹興四

年隨從人數三分為率差撥二分前去應軍旅

非泛支降錢穀差除並隨行在所處分外其餘

百司常程事務並留臨安府依舊行遣聽行官

留守司與決內事有不決者即申奏行在所

七年二月車駕自平江進發次鎮江三月至建康

府駐驛

八年二月車駕自建康府進發至臨安府還宮

三十一年車駕自臨安進發視師次臨平鎮

三十二年正月車駕次建康府

二月車駕自建康府回臨安

文獻通考卷之一百十

鄱陽馬端臨貴與著

王禮考

田獵

商湯見祝網者置四面其祝者從天墜者從地出者從四方來者皆離吾網湯曰嘻盡之矣非桀其孰為此湯乃解其三面置其一面更教云祝曰昔蛛蝥作網蛛音朱蝥莫侯反今之人循序欲左者左欲右者右欲高者高欲下者下吾取其犯命者其憚害物也如是漢南之國聞之曰湯之德及鳥獸矣四十國歸之

周制天子諸侯無事則歲行蒐苗獮狩之禮仲春

教振旅司馬以旗致民平列陣如戰之陣以旗期

民於下兵者凶事不可空設因蒐狩而習之凡師出者治兵入曰振旅皆習戰也四時各教民以其

一焉春習振旅兵入曰王執路鼓諸侯執鼗鼓軍

將執晉鼓師帥執提旅師執鼙卒長執鐃兩司馬

執鐃司馬執鐃鼓人職曰以路鼓鼓鬼享以金

鏡止鼓以金鐃通鼓上者故謂之提杜子春云有

曲水提鼓立馬鬣上者故謂之提杜子春云有

司馬謂五人為伍伍之司馬也鄭玄謂三不執鼓

鼓尚之於諸侯也伍長謂之公馬者雖早亦同

其以教坐作進退疾徐疏數之節法習戰遂以蒐田

有司表貉誓民鼓遂圍禁火弊獻禽以祭社春田

表而貉祭也誓民誓以犯田法之政也誓曰無干

車無自後射立旌遂圍禁火弊獻禽以祭社春田

火焚萊除陳草皆殺而火止獻猶止也春田主用

植旌衆皆獻其所獲獸焉詩云言私其穢獻豸

于公春田王祭祀者土方施生也貉謂為豸豸

夏教發舍如振旅之陣羣吏撰車徒讀書契辨號

名之用帥以門名縣鄙各以其名家以號名鄉

以州名野以邑名百官各象其事以辨軍之夜事

其他皆如振旅書契以薄書校錄軍實之凡要號

謂之號百官之屬謂之事在國以表朝位在軍又

象其制而為之以備死事傳謂軍將及師帥至伍

長也以其門名者所被微識如其在門所樹者也凡

此言以也象也皆謂其制同耳軍將皆命卿古者

軍將蓋為營治於國門魯有東門襄仲宋有桐門

右師皆上卿為軍將者也縣鄙師至鄰長也家謂

食采地者之臣也鄉以州名亦謂州長至此長也

野謂公邑大夫百官一人其職從王者此六者皆

書其官與名氏焉門則襄仲右師明矣鄉則南鄉

甄東鄉為人是也其夜象此云某之遂以

苗田如蒐之法車弊獻禽以享祊夏田為苗擇取

苗去不秀實者云車弊驅獸之車止也夏祭也冬

車示所取物希者殺而車止祊宗廟之夏祭也冬

夏田主於祭宗廟者陰仲秋教治兵如振旅之陣

陽始起象神之在內也

王載太常諸侯載旗軍吏載旗師都載旌鄉遂載

物郊野載旒百官載旗各書其事與其號焉其他

皆如振旅軍吏諸軍帥也帥都遂大夫也鄉遂鄉

將也郊謂鄉遂之州長縣正以下野謂公邑大夫

載旒者以其將羨卒也百官卿大夫載旗者以其

屬衛王也凡旌旗有軍衆者盡異物遂以獮田如

無者帛而已書當為畫皆畫以雲氣

蒐田之法羅弊絞禽以祀枋秋田為獮獮殺也羅

田中殺者多皆殺而罔止枋當為方秋仲冬教大

閱春辨鼓鐸夏辨號名秋辨虞人萊所田之野為

表百步則一為三表又五十步為一表田之日司

馬建旗于後表之中羣吏以旗物鼓鐸鐃各帥

其民而致質明弊旗誅後至者乃陳率徒如戰之

陣皆坐虞人萊所田之野艾除其草萊為可陣之

正行列也四表積二百五十步表之中央表所以識

軍步數未聞致致之司馬質正也弊什也皆坐當

誓羣吏聽誓于陣前斬牲以左右徇陣曰不用命

者斬之秋天子諸軍帥也陣前南面嚮表也月令季

政於周為仲冬為月令者失之矣斬牲者小子也

凡誓之大略誓中軍以鞶令鼓鼓人皆三鼓司

馬振鐸羣吏作旗車徒皆作鼓行鳴鐃車徒皆行

及表乃止三鼓掩鐸羣吏弊旗車徒皆坐中軍中

也天子六軍三三而居一偏群吏既聽誓各復其

部曲中軍之將令鼓鼓以作其士衆之氣鼓人者

中軍之將帥旅師也司馬振鐸以作衆作起也

既起鼓人擊鼓以行之伍長為鐃以節之伍長一

也公馬及表後自表前至第二表三鼓者鼓人

鐸聲也司馬法曰鼓聲不過閻又三鼓

振鐸作旗車徒皆作鼓進鳴鑼車驟徒趨及表乃
止坐作如初有趨者趨敵尚疾之漸春秋傳曰先人
表乃鼓車馳徒走及表乃止及表自第二前至第三鼓戒三
闕車三發徒三刺數戒戒一刺三而止象服敵一乃
鼓退鳴鑼且卻及表乃止坐作如初也鑼所以止鼓
鳴鑼則同習戰之禮出入一也也退自前表至後表鼓遂
以狩田以旌為左右和之門羣吏各帥其車徒以
叙和出左右陳車徒有司平之旗居卒間分地前
後有屯百步有司巡其前後險野人為主易野車
為主謂冬田為狩言守取之無所擇也軍門曰和今
和門也左右出入之行列也旗軍吏所載也分地調
其部曲數疏前出於和門鄉師又巡其行陣鄭衆云險
也車徒畢出於和門鄉師又巡其行陣鄭衆云險

野人為主人居前既陣乃設驅逆之車有司表貉
于陣前驅驅不得令走設此車者田僕也逆中軍以擊
令鼓鼓人皆三鼓羣司馬振鐸車徒皆作遂鼓行
徒街枚而進群司馬兩司馬也枚狀如著樹之有
天子殺則下大綏諸侯殺則下小綏綏有虞氏之
弊大夫殺則止佐車佐車止則百姓田獵逆之車
大獸公之小獸私之獲者取左耳鄭衆云大獸公小
獸私之以計功多者獲禽獸者取其二左及所弊鼓
皆賊車徒皆譟也天子諸侯皆所弊之處田所當於止
也書曰前師乃鼓譟亦謂喜也疾雷擊曰賊譟音符
徒乃弊命致禽饁獸于郊入獻禽以享烝徒乃弊
獲禽因以祭四方之神於郊月令季秋天子既田

命主祠祭禽於四也 是巾車木路前樊鵠纓建

大麾以田之前音翦樊步于反○木路不輓以革漆

數飾與革路同大麾不在九旗中以正色言之則

用四時田獵○田僕掌馭田路以田以鄙木路

也田獵是也掌佐車之政副佐亦設驅逆之車驅

禽比田弊獲者各其禽凡田王提馬而走諸侯晉

大夫馳抑而止之皆正奔也馳使人扣而舉之○司

几筵甸役則設熊席右漆几甸祭表貉所謂王甸有

○迹入掌邦田之地政為之屬禁而守之若今地

凡田獵者受令焉與處也禁麇卵者與其毒矢

射者必謂其天物且害處○肆師凡師甸用牲于社

宗則為位也宗音近主也○甸祝掌四時之田師

致禽于虞中乃屬禽及郊饁獸舍奠于祖禰乃歛

禽禘牲禘馬皆掌其祝號視屬音燭舍音釋禘音誅

衆以田也致禽於虞中使獲者各以其禽來致于

郊薦于四方群兆入又以其類饋饋也以所獲禽饋於

天子諸侯無事則歲三田三田者夏不田蓋夏

獮冬曰狩一為乾豆二為賓客三為充君之庖

君尊宗廟敬賓客故先人而後已取其下也又

分別殺之三等級故自左膘而射之達過於右肩

乾豆為上也射右耳本筭云射當為達亦自左射

肉已微惡故以為賓客也次殺以其遠心死稍遲

逐後從左廂而射之達於右脅也次殺右耳本當自

左肩膊也。不言自左。舉下無事而不田。曰不敬。

田不以禮。曰暴天物。祀略賓客。祭天子不合圍。

諸侯不掩羣。物也。盡天子殺則下大綏。諸侯殺則

下小綏。虞氏之旌旗也。綏當為綏。綏有大夫殺則

止。佐車佐車止。則百姓田獵。逆之車驅。國君春田

不圍澤。大夫不掩羣。士不取麋卵。重傷其類。獺

祭魚。然後虞人入澤梁。豺祭獸。然後田獵。鳩化

為鷹。然後設罝羅。草木零落。然後入山林。昆虫

未蟄。不以火田。水絕。取魚者。罝小網也。昆明也。梁

明。虫者。得陰而藏。而不麋。不卵。不殺胎。不殀天。

天鳥。老反。少長。曰夭。不覆巢。覆敗也。田者

大艾草。以為防。艾音又。言田獵者。必大艾。殺

殺圍。或舍其中。舍音蔽。或復止舍。其中謂未

當在其間。止舍。艾。褐。纏。旃。以為門。旃為防院。當

其防之。廣狹。無艾。褐。纏。旃。以為門。旃為防院。當

設周衛。而門之。旁其門。蓋南開。並為二門。用四

竿。以。為。門。之。旁。其。門。蓋。南。開。並。為。二。門。用。四

旃。也。裹。兩。邊。間。容。握。驅。而。入。擊。則。不。得。入。

之。裏。兩。邊。間。容。握。驅。而。入。擊。則。不。得。入。

鈞。車。輪。者。間。容。握。驅。而。入。擊。則。不。得。入。

軸。頭。去。旃。竿。之。間。各。容。一。握。人。四。指。為。四。寸。是

門。廣。於。軸。八。寸。也。入。此。門。當。馳。走。而。入。不。得。徐

擊。也。以。教。戰。試。其。能。否。故。令。驅。焉。若。驅。之。其。軸。頭

左者之左右者之右。然後焚而射焉。軍以天子大

右雖同舍防內令三軍各在一方取左。右相應

其屬左者之左。門屬右者之右。門不得越。離部

伍。以。此。故。有。二。門。也。教。戰。既。軍。士。卒。出。士。卒。出

和。乃。分。地。為。屯。既。陳。車。驅。卒。奔。驅。禽。內。之。於。防

然。後。焚。燒。此。防。天子發。然後諸侯發。諸侯發。然

後。士大夫發。天子發。抗大綏。諸侯發。抗小綏。獻

禽於其下

抗苦浪反。綏耳佳反。○發謂發矢射也。其天子發則先抗舉其大綏諸

侯發則舉其小綏於其下也。抗綏謂既射舉之因置

虞旗於其甲受而置禽焉。受禽獵止則弊之故

云下謂弊之是殺禽已訖。田止而弊也。故戰不出

綏也。各舉始終之一故與此不同也。故戰不出

所艾之道也。○詩車攻東有甫章註疏云。○傳

曰已有三牲必田狩者孝子之意以為已之所

養不如天地自然之牲逸豫肥美禽獸多則傷

五穀因習兵事又不空設故因以捕禽獸所以

共承宗廟示不忘武備又因以為田除害鮮者

何也。秋取嘗也。鮮音仙。○秋取嘗何以也。習鬪

也。習鬪也者男子之事也。然而戰鬪不可不習

故於搜狩閑之也。閑之者貫之也。貫之也者習

之也。已祭取餘獲陳于澤。搜所留反。狩手又然

後卿大夫相與射命中者雖不中取也。命不中

者雖中不取。仲反。丁何以也。所以貴揖讓之取而

賤勇力之取也。鄉之取於國中勇力之取也。今

之取於澤揖讓之取也。○魯隱公將如棠觀魚

者臧僖伯諫曰。凡物不足以講大事。臧僖伯公

禮也。大事其材不足以備器用。則君不舉焉。

皮革齒牙骨角毛羽也。器用軍器之器。君將納民於軌物者也。故

講事以度軌量。謂之軌。取材以章物。采謂之物

不軌不物。謂之亂政。亂政亟行。所以敗也。度徒

亟欺莫反。○言器用衆物不入法。故春蒐夏苗

秋獮冬狩獮息典反狩手又反○蒐索擇取不

名順秋氣也狩圍守也冬物皆於農隙以講事

也冬隨時三年而治兵入而振旅雖四時講武

大習出日治兵始治其事入日振旅歸而飲至

以數軍實數車色主反○器械及所獲也昭文章車旗

明貴賤辨等列等列順少長少詩照反長丁丈

前還則在後習威儀也鳥獸之肉不登於俎祭

宗廟度謂以飾法則公不射古之制也若夫山林川澤之實器用

之資阜隸之事官司之守非君所及也射食亦

○隱五年也昔周辛甲之為大史也命百官官

○隱五年也昔周辛甲之為大史也命百官官

箴王闕大音泰箴音針下同○辛甲周武王大

於虞人之箴田虞人掌曰茫茫禹迹畫為九州畫

遠貌畫分也經啓九道州啓開九道民有寢廟獸有

茂草各有攸處德用不擾人神各有所在帝夷

羿冒干原獸羿五計反亡其國恤而思其麀牡

言但念獵武不可重數猶也用不恢于夏家恢枯

○羿以好武雖有夏獸臣司原敢告僕夫獸獸臣

告僕夫不能恢天之獸臣司原敢告僕夫獸獸臣

山甫諫曰民不可料也夫古者不料民而知其

少多司民協孤終父音甫夫音扶○司民掌登

於版協合也無父曰孤終死司商協名姓司商

也合其民藉以登于王也司商協名姓司商

始受姓之官商金聲清謂人司徒協旅合師旅

之衆司寇協姦司寇刑官掌合姦場協入場人

少多死生出入往來者皆可知也於是乎又審

之以事狩以簡其數也王治農於藉藉藉於

蒐于農隙蒐所留反○春田曰蒐蒐擇也禽

獮於既蒸獮息與反○秋田曰獮獮殺也順時

而大料之是示小而惡事也言王不謂其衆多

是皆習民數者也又何料焉習簡不謂其少

秋曰獮獮息與反冬曰狩狩手又苗者謂何曰苗

者毛也取之不圍澤不捨羣取大禽不麇音迷

不卵不殺孕重者春蒐者不殺小麇及孕重者

冬狩皆取之百姓皆出不失其時不抵禽不詭

遇詭反古逐不出防此苗獮蒐狩之義也故苗獮

蒐狩之禮簡其戎事也故苗者毛取之蒐者搜

索之狩者守留之夏不田何也曰天地陰陽盛

長之時猛獸不攖驚鳥不搏驚音博蝮蠆不螫

之衆司寇協姦民以知死刑之數場協入掌場

少多死生出入往來者皆可知也於是乎又審

之以事狩以簡其數也王治農於藉藉藉於

蒐于農隙蒐所留反○春田曰蒐蒐擇也禽

獮於既蒸獮息與反○秋田曰獮獮殺也順時

而大料之是示小而惡事也言王不謂其衆多

是皆習民數者也又何料焉習簡不謂其少

秋曰獮獮息與反冬曰狩狩手又苗者謂何曰苗

者毛也取之不圍澤不捨羣取大禽不麇音迷

不卵不殺孕重者春蒐者不殺小麇及孕重者

冬狩皆取之百姓皆出不失其時不抵禽不詭

遇詭反古逐不出防此苗獮蒐狩之義也故苗獮

蒐狩之禮簡其戎事也故苗者毛取之蒐者搜

索之狩者守留之夏不田何也曰天地陰陽盛

長之時猛獸不攖驚鳥不搏驚音博蝮蠆不螫

者故以田言之。聖人作名號而事義可知也。○
禮聖主之於禽獸也。見其生不食於死。聞其聲
不嘗其肉。隱弗忍也。故遠庖厨。仁之至也。不合
圍不掩羣。不射宿。不涸澤。豺不祭獸。不田獵。獺
不祭魚。不設網罟。鷹隼不鷙。隰而不逮。不出穎
羅。草木不零落。斧斤不入山林。昆虫不蟄。不以
火田。不麇。不卵。不剝胎。不夭_天反_鳥魚肉不入廟
門。鳥獸不成。毫毛不登庖厨。取之有時。用之有
節。則物莫不多。

漢武帝建元三年南獵長楊

帝召見司馬相如。請為天子游獵之賦。上令尚
書給筆札。相如以為子虛虛言也。為楚稱。烏有

先生者。烏有此事也。為齊難。亡是公者。亡是人
也。欲明天子之義。故藉此三人為辭。其卒章歸
之於節儉。因以諷諫。

相如嘗從上至長楊獵。是時天子方好擊熊豕
馳逐。羣獸相如。因上疏諫。其辭曰。臣聞物有同
類。而殊能者。故力稱烏獲。捷言慶忌。勇期賁育。
臣之愚竊以為人誠有之。獸亦宜然。今陛下好
陵阻險。射猛獸。率然遇逸材之獸。駭不存之地。
犯屬車之清塵。輿不及還。轅人不暇施巧。雖烏
獲昇蒙之技。不得用。枯木朽株。盡為難矣。是胡
越起於轂下。而羗夷接軫也。豈不殆哉。雖萬全
而無患。然本非天子之所宜近也。且夫清道而

後行中路而馳猶時有銜檠之變况乎涉豐草
騁丘虛前有利獸之樂而內無存變之意其為
害也不難矣夫輕萬乘之重不以為安樂出萬
有一危之塗以為娛臣切為陛下不取蓋明者
遠見於未萌而知者避危於無形既固多藏於
隱微而發於人之所忽者也故鄙諺曰家索千
金坐不垂堂此言雖小可以諭大臣願陛下留
意幸察上善之

元鼎中天子行獵新秦中以勒邊兵而歸新秦中
或千里無亭徼於是誅北地太守以下
元帝永光元年正月行幸甘泉禮泰時禮畢因留
射獵

五年上幸長楊射熊館布車騎大獲

成帝元延二年冬行幸長楊宮從胡客大校獵宿

資陽宮

資音倍賜從官

其十二月羽獵揚雄從以為昔在二帝三王宮
室臺榭沼池苑囿林麓藪澤財足以奉郊廟御
賓容充庖厨而已不奪百姓膏腴穀土桑柘之
地女有餘布男有餘粟國家殷富上下交足故
甘露零其庭醴泉流其塘鳳凰巢其木黃龍遊
其沼麒麟臻其囿神爵棲其林昔者禹任益虞
而上下和草木茂成湯好田而天下用足文王
囿百里民以為尚小齊宣王囿四十里民以為
大裕民之與奪民也武帝廣開上林南至宜春

鼎湖御宿昆吾旁南山而西至長楊五柞北繞
黃山瀕渭而東周袤數百里穿昆明池象滇河
營建章鳳闕神明駁娑漸臺泰液象海水周流
方丈瀛洲蓬萊游觀侈靡窮妙極麗雖頗割其
三垂以贍齊民然至羽獵田車戎馬器械儲侍
禁禦所營尚泰奢麗誇詡非堯舜成湯文王三
驅之意也又恐後世復脩前好不折中呂泉臺
故因校獵賦以風

明年上將大誇胡人以多禽獸秋命右扶風發
民入南山西自褒斜東至弘農南歐漢中張羅
罔置罟捕熊羆豪猪虎豹狢獾狐菟麋鹿載以
檻車輸長楊射熊館以罔為周陸縱禽獸其中

令胡人手搏之自取其獲上親臨觀馬是時農
民不得收斂雄從至射熊館還上長楊賦聊因
筆墨之成文章故藉翰林以為主人子墨為客
卿以風

後漢明帝永平十六年冬車駕校獵上林苑

安帝延光二年十一月校獵上林苑

順帝永和四年十月校獵上林苑歷函谷關而還

桓帝延熹元年校獵廣成遂幸上林苑

靈帝光和五年校獵上林苑函谷關遂巡狩于廣
成苑

宋文帝元嘉二十三年閏二月大蒐於宣武場主
司列奏申攝尅日校獵百官備設行宮殿便坐於

武帳國王公百官便坐幔省如常儀設南北左右
四行旌門建旗以表護車殿中郎一人典護車主
者二人收禽吏二十四人配獲車十二兩校獵之
官著袴褶有帶二品以上權乃備鞘麾幡三品以
下帶刀皆騎乘將領部曲先獵百布圍領軍將軍
一人督右甄護軍將軍一人督左甄大司馬一人
居中迴董正諸將悉受節度殿中郎率護軍部曲
在大司馬之後尚書僕射以下諸官曹令史等至
日會於宣武場列為重圍設留守填街位於雲龍
門外內官道北外官道南以西為上設從官位於
雲龍門內大官階北小官階南以西為上設從官
位於雲龍門內大官階北小官階南以西為上設

先置官位於行上車門外內官道西外官道東以
北為上設先置官還位於廣莫門外道之東西以
南為上校獵日平旦正直侍中奏中嚴上水一刻
搥一鼓為一嚴上水二刻奏搥二鼓為再嚴殿中
侍御史奏開東中華雲龍門引仗為小駕鹵簿百
官非校獵之官著朱服集到廣莫門外留守填街
後部從官就位前部從官依鹵簿先置官先行上
水三刻奏搥三鼓為三嚴上水四刻奏外辦次正
直侍中散騎常侍給事黃門侍郎散騎侍郎軍校
劔履進來上閣正直侍中負璽通事令史帶龜印
中書之印上水五刻皇帝出著黑介幘單衣乘輦
正直侍中負璽陪乘不帶劔殿中侍御史督攝黃

麾以內次正直侍中次正直黃門侍郎護駕在前
又次正直侍中佩信璽行璽與正直黃門侍郎從
護駕在後不鳴鼓角不得喧譁以次引出警蹕如
常儀車駕出讚陛者再拜皇太子入守車駕將至
威儀唱引先置前部從官就位再拜車駕行至殿
前迴輦正直侍中跪奏降輦次正直侍中稱制曰
可正直侍中俛伏起皇帝降輦登御座侍臣升殿
直衛釵所立戟虎賁毛頭文衣鴉尾以次到正階
正直侍中奏解嚴先置從駕百官還便座幔省皇
帝若親射禽變服戎服如校獵儀內外從官及虎
賁悉變服釵戟抽鞘以備武衛黃麾內官從入圍
裏列置部曲廣張甄圍旗鼓相見銜枚而進甄周

圍會督甄令史奔騎號法施令曰春禽懷孕蒐而
不射鳥獸之肉不登於俎不射皮革齒牙骨角毛
羽不登於器不射甄會大司馬鳴鼓蹙圍衆軍鼓
譟警角至宣武場止大司馬屯北旌門二甄師屯
左右旌門殿中中郎率候車部曲入次北旌門內
之右皇帝從南旌門入射禽謁者以獲車收載還
陳於獲旗之北王公以下以次射禽各送詣獲旗
下付禽主者事畢大司馬鳴鼓解圍復屯殿中郎
率其屬收禽以實獲車奉車奉充庖厨正厨置罇
酒俎肉于中達以犒饗校獵衆軍至晡正直侍中
量宜奏嚴從官還著朱服釵戟復鞘再嚴先置官
先還三嚴後二刻正直侍中奏外辦皇帝著黑單

介幘單衣次正直侍中散騎常侍給事黃門侍郎
軍校進夾御正直侍中跪奏還宮次正直侍郎稱
制曰可正直侍郎俛伏起乘輿登輦還衛從如常
儀大司馬鳴鼓散屯以次就舍車駕將至威儀唱
引留守填街先置前部從官就位再拜車駕至殿
前迴輦正直侍中跪奏降輦次正直侍中稱制曰
可正直侍中跪伏起乘輿降入次正直侍中散騎
常侍等從至閤正直侍中奏解嚴內外百官拜表
問訊訖罷

梁陳並依宋儀其異者置行殿於幕府山南岡并
設王公百官幕先獵一日遣馬騎布圍領軍督左
右軍將軍督右大司馬董正諸軍獵日侍中三奏

一奏搥一鼓為一嚴三嚴訖引仗為小駕鹵簿皇
帝乘馬戎服從者悉絳衫幘黃麾警蹕鼓吹如常
儀獵訖宴會享勞比校多少戮一人以懲亂法會
畢還宮

北齊春蒐禮有司規大防建獲旗以表獲車前一
命布圍領軍將軍一人督左甄護軍將軍一人督
右甄大司馬一人居中節制諸軍天子陳小駕服
通天冠乘木輅詣行宮將親禽服鈹戟者皆嚴武
衛張甄圍旗鼓相見銜枚而進甄常開一方以令
三驅圍合吏奔騎令曰鳥獸之肉不登於俎者不
射皮革齒牙骨角毛羽不登於器者不射甄合大
司馬鳴鼓促圍衆軍鼓譟鳴角至期處而止大司

馬為屯北旗門二甄師屯左右旌門天子乘馬從南旌門入親射禽謁者以獲車收禽載還陣於獲旗之北王公以下以次射禽皆送於下事畢大司馬鳴鼓解圍復屯殿中郎中率其屬收禽以實獲車士子還行宮命有司每會擇取三十一曰乾豆二曰賓客三曰充君之庖其餘即於園下量犒將士禮畢改服釵者韜刃而還夏苗秋獮冬狩禮皆同後周仲春教振旅大司馬建大麾於萊田之所鄉稍之官以旗物鼓鐸鉦鏡各帥其人而致誅其後至者建麾於後表之軍中以集衆庶質明偃麾誅其不及者乃陳徒騎如戰之車大司馬北面擔之軍中皆聽鼓角以為進止之節田之日於萊之

北建旗為和門諸將帥徒騎序入其門有司居門以平其人既入而分其地險野則徒前而騎後易野則騎前而徒後既陣皆坐乃設驅逆騎有司表馮於前以太牢祭黃帝軒轅氏於狩地為擇建二旗列五兵於坐側行二獻禮遂蒐田致禽以祭社仲夏教爰舍遂苗田仲秋練兵獮田仲冬大閱遂狩其致禽享初教習之儀並如古周法隋大業三年煬帝在榆林突厥啓人及西域東胡君長並來朝貢帝欲示以兵甲之盛乃命有司陳冬狩之禮詔虞部量校延山南北周二百里並立表記前狩二日兵部建旗於表所五里一旗分為四十軍軍萬人騎五千疋前一日諸將各率其軍

集於旗下鳴鼓後至者斬詔四十道並揚旗節分
冲迴令即留軍所監獵布圍圍南西方行而前帝
服紫袴褶黑介幘乘闕猪車車飾加大輅重輪車
謂獵車駕六黑駟太常陳鼓笳鐃蕭角於帝左右
各百二十官戎服騎從鼓行入圍諸軍並鼓行赴
圍乃設驅逆騎千有二百闕猪朝有司斂大綏
王公以下皆整弓陳於駕前有司又斂小綏乃驅
獸出過於帝前待詔再驅過至備身將軍奏進弓
矢三驅過帝乃從禽鼓吹皆振左而射之每驅必
三獸以上帝發抗大綏次王公發抗小綏次諸侯
發射則無鼓驅逆之騎乃止然後四夷百姓皆獵
凡射獸自左而射達于右膈五回為上等達右耳

本為次等自左髀達於右膈為下等羣獸相從不
得盡殺已傷獸不得重射又逆向人者不射其面
出表者不逐之田將止虞部建旗於圍內從駕之
鼓及諸軍鼓俱振卒徒皆譟諸獲禽者獻于旗所
致其左耳大獸公之以供宗廟使歸腊於京師小
獸私之

唐高祖武德五年十二月上幸涇陽之華池校獵
上謂朝臣曰今日畋樂乎諫議大夫蘇世長對
曰陛下游獵薄廢萬機不滿十旬未見大樂上
色變既而笑曰狂發也世長曰為臣私計則狂
為陛下國計則忠

八年十月校獵於周氏陂

上謂侍臣曰獵以供宗廟朕當躬其事以伸孝
享之誠

太宗貞觀五年大蒐於昆明池夷落君長從

十一年狩于濟源之陵山上曰古者先驅以供宗

廟今所獲鹿宜令所司造脯醢以充薦享

十六年十二月狩于驪山

時陰寒晦冥圍兵斷絕上登山望見之顧謂左
右曰吾見其不整而不刑則墮軍法刑之則是
吾登高臨下以求入之過也乃託以道險引轡
入谷以避之

高宗龍朔元年十月狩于陸渾縣六日至飛山
帝親御弧矢獲四鹿及兔數十頭

總章二年車駕自九成宮還京仍西狩校習自麟

遊西北遶岐梁歷普潤為兩頭

殿中侍御史杜易簡賈言忠監圍山阜懸危躡

躡杖策不得整停凡五日而合劾奏將軍劉玄

意黃河上等處斷圍玄意竟抵罪黃河上圍日

軍容齊整詔特原之

玄宗先天元年十月幸新豐獵於驪山之下

開元三年大蒐於鳳泉

右補闕崔向上疏曰臣聞天子三田若古有訓
豈惟為乾豆賓客庖厨者哉亦將以閱兵講武
戒不虞也詩美宣王之田徒御不驚有聞無聲
謂畋獵時入皆銜枚有若聞而無謹譁也又曰

悉率左右以燕天子謂悉驅禽順有左右之宜
以安待王射也則知大綏將下亦有禮焉側聞
獵於渭濱有異於是六飛馳騁萬騎騰躍衝翳
奮蹴蒙籠越嶄險靡榛聚紅塵坐昏白日將暗
毛羣擾攘羽族繽紛左右戎夷並伸驍勇攢鏑
亂下交刃霜飛而降尊卑爭捷於其間豈不
殆哉夫環衛而居暴客攸待清道而出行人尚
驚如有墜駕之虞流矢之變獸窮則搏鳥窮則
攫陛下復何以當之哉惟深思後慮以誠後圖
天下幸甚

德宗貞元十一年十二月臘日畋於苑中止其多
殺行三驅之禮

武宗會昌元年十月車駕幸咸陽校獵
二年十月校獵於太白原
開元禮皇帝田狩儀

仲冬狩田之禮前期十日兵部徵衆庶循田法虞
部量地廣狹表所田之野前狩三日本司建旗於
所田之後隨地之宜前一日未明諸將各帥士徒
集旗下不得誼誼質明弊旗後至者罰之兵部分
仲田令遂圍田其兩翼之將皆建旗及夜布圍訖
若圍廣或先圍闕其南面且據南面及駕出以剛
期二日三日日其發引次舍如常將至田所皇帝鼓行入圍鼓
吹令鼓六十陳於皇帝東南西向六十陳於皇帝
西南東向皆乘馬各背諸將皆鼓行赴圍乃設驅

逆之騎百有二十既設驅逆皇帝乘馬南向有司
歛大綏以從諸公王以下皆乘馬帶弓矢陳駕前
後所司之屬又歛小綏以從乃驅獸出皇帝之前
初一驅過有司整飭弓矢以前再驅過本司奉進
弓矢三驅過皇帝乃從禽左而射之每驅必三獸
以上皇帝發抗大綏皇帝既發然後公王發王著
抗小綏諸公既發以次射之訖驅逆之騎止然後
百姓獵凡射獸自左而射之達於右膈為上射達
左耳本為上射達右耳本為次射左脾達於右膈
為下射羣獸相從不盡殺已被射者不射又不射
其面不剪其毛其出表者不逐將止虞部建旗於
田內乃雷擊駕鼓及諸將之鼓士徒譟呼諸得禽

者獻於旗下致其左耳大獸公之小獸私之其上
者以供宗廟次者以供賓客下者以充庖厨乃命
有司饁獸於四郊以獸告至於廟社

亦如之也

其因講武以狩則先設圍

宋太祖皇帝建隆二年十一月始狩於近郊賜宰
相樞密使節度觀察防禦團練使統軍侍衛諸軍
校皆錦袍

其後從臣皆賜窄袍并靴

自是多以秋冬或正月畋

於四郊先出禁軍為圍去聲場五方以鷲禽細犬從
出城每行數里或召從官飲至頓賜食上每中禽
官從官貢馬稱賀親王以下射中者賜馬

太宗太平興國五年十二月畋于近郊
雍熙二年十一月詔曰三田之制其一田乾豆謂

腊之以供祀也近以率遵時令薄狩郊畿既親射以獲禽宜奉先而登俎其以畋獵親獲獸付所司薦享太廟仍著于令

端拱元年十月自今非特朕不於近甸游獵其五方所畜鷹犬並放之仍令諸州不得以鷹犬來獻淳化五年臘日命諸王田獵近郊

真宗咸平三年十二月以獵獲狐兔薦廟之餘賜中書樞密院

太中祥符三年詔令教駿所養鷹鵝除量留十餘以備諸王從時展拜禮外自餘並去其羈紲縱之山林

自景德四年後上不復出獵天禧初又詔禁園

草地許民耕墾

仁宗慶曆五年兵部員外郎直集賢院李東之言

祖宗校獵之制所以順時令而訓戎事也陛下臨御以來未嘗講修此禮願詔有司草儀註擇日命

殿前馬步軍司互出兵馬以從獵于近郊詔樞密院討詳先朝校獵制度十月御內東門賜從官酒

三行奏鈞容樂幸瓊林苑門賜從官食遂獵于楊村燕幄殿奏教坊樂遣使以所獲顰兔馳薦太廟

既而召父老臨問賜以飲食茶綃及賜五坊軍士銀絹有差六年十一月復獵於城南東韓村自王

津園去輦乘馬分騎士數千為左右翼節以旗鼓合圍場徑十餘里部隊相應天子案轡中道親挾

弓矢而屢獲禽是時道傍居民或畜狐兔鳧雉驅于場中因謂輔臣曰畋獵所以訓武事非專所獲也悉令縱之至棘店御帳殿召問所過父老子孫供養之數土地種植所宜且歎其衣食麤糲而能享壽人加恩勞還次近郊遣衛士更奏技駕前兩兩相當掉鞅挾槩以決勝又謂輔臣曰此亦可觀士之才勇免所過民田在園內租稅一年時交趾李德政適遣使獻馴象未見特召預觀賜紫袍塗金帶

七年三月詔罷出獵以諫者多故也

